

REGLUGERÐ

um heimilishjálp í Hafnarfirði.

1. gr.

Bæjarráð Hafnarfjarðarkaupstaðar ásamt bæjarstjóra fer með stjórn heimilishjálpar í Hafnarfirði í umboði bæjarstjórnarinnar.

2. gr.

Hlutverk heimilishjálparinnar er að veita hjálp á heimilum, þegar sannað er með umsógn læknis, ljósmóður eða á annan hátt, sem bæjarráð metur gildan, að hjálpar sé þörf um stundarsakir vegna sjúkdóma, barnsburðar, slysa, dauðsfalla eða af öðrum ástæðum.

Hjálpin skal að jafnaði ekki veitt um lengri tíma í senn en 20 daga.

3. gr.

Heimilishjálpin skal jafnan leitast við að hafa til taks eina konu til heimilishjálparinnar. Bæjarráði ber að ganga örugglega úr skugga um, að konur þær, sem heimilishjálpin stunda á vegum stofnunarinnar, séu hæfar til starfsins.

4. gr.

Bæjarsjóður Hafnarfjarðarkaupstaðar ber ekki fjárhagslega ábyrgð á tjóni sem konur, er vinna á vegum heimilishjálparinnar, kunna að valda við störf sín, umfram það, sem bætt er af sérstakri ábyrgðartryggingu, sem heimilishjálpin kaupir.

5. gr.

Um launakjör og hlunnindi starfsfólks heimilishjálparinnar fer eftir ákvörðun bæjarstjórnar.

Bæjarstjórn getur veitt eftirgjöf á greiðslu fyrir heimilishjálp að nokkru eða öllu leyti, að fengnum tillögum bæjarráðs.

6. gr.

Fyrir heimilishjálp skal greitt eftir gjaldskrá, er bæjarstjórn setur og ráðherra staðfestir.

Bæjarstjórn setur og reglur um greiðslu, innheimtu og annað, er hún telur máli skipta í þessu efni og annast fjárreiður stofnunarinnar.

7. gr.

Reikningar heimilishjálparinnar skulu endurskoðaðir árlega með sama hætti og reikningar Hafnarfjarðarkaupstaðar.

8. gr.

Sá halli, sem verða kann af heimilishjálp, sem veitt er samkvæmt lögum um heimilishjálp og reglugerð þessari, greiðist að $\frac{1}{3}$ úr ríkissjóði, en $\frac{2}{3}$ úr bæjarsjóði Hafnarfjarðarkaupstaðar.

Reglugerð þessi, sem bæjarstjórn Hafnarfjarðarkaupstaðar hefur samið og samþykkt, staðfestist hér með samkvæmt lögum nr. 10 25. janúar 1952, um heimilishjálp,

til þess að öðlast þegar gildi og birtist til eftirbreytni öllum þeim, sem hlut eiga að máli.

Félagsmálaráðuneytið, 8. marz 1962.

F. h. r.

Hjálmar Vilhjálmsson.

Jón S. Ólafsson.

16. marz.

Nr. 20.

S A M Þ Y K K T

um afgreiðslutíma verzlana í Hafnarfirði.

1. gr.

Sölubúðum í Hafnarfirði skal lokað dag hvern eigi síðar en segir í samþykkt þessari.

2. gr.

Alla virka daga ársins skal sölubúðum lokað eigi síðar en kl. 18 og þær ekki opnaðar aftur fyrr en kl. 7.30 árdegis næsta virkan dag. Þó skulu frá þessu þær undantekningar, er nú skal greina, sbr. 3. gr.: Aðfangadag jóla og gamlársdag skal sölubúðum lokað eigi síðar en kl. 12. Síðasta virkan dag fyrir aðfangadag jóla er heimilt að halda sölubúðum opnum til kl. 24. Síðasta laugardag fyrir jól (annan en Þorláksmessudag, ef hann ber upp á laugardag) eða annan virkan dag skömmu fyrir jól, er heimilt að halda sölubúðum opnum til kl. 22.

Á tímabilinu frá 1. okt. til 30. apríl skal loka eigi síðar en kl. 13 á laugardögum, og á tímabilinu frá og með 1. maí til 30. sept. skal loka eigi síðar en kl. 12 á laugardögum. Allt árið er heimilt að hafa sölubúðir opnar til kl. 19 á föstudögum. Enn fremur getur bæjarstjórn að fengnu samþykki Verzlunarmannafélags Hafnarfjarðar, Kaupmannafélags Hafnarfjarðar og Kaupfélags Hafnfirðinga með sérstakri samþykkt heimilað, að sölubúðir séu opnar til kl. 22 einn virkan dag í viku hverri allt árið eða hluta úr ári. Þá er heimilt að hafa opið fyrsta laugardag í desember til kl. 16 og annan laugardag í desember til kl. 18.

3. gr.

Almenna helgidaga Þjóðkirkjunnar, sumardaginn fyrsta, 17. júní og fyrsta mánudag í ágúst mega engar sölbúðir vera opnar, sbr. þó 5., 6. og 7. gr. Hinn 1. maí skal sölubúðum lokað kl. 12 á hádegi, ef þann dag ber upp á virkan dag.

4. gr.

Brauð- og mjólkursölubúðum má halda opnum á almennum helgidögum, sumardaginn fyrsta, 17. júní og fyrsta mánudag í ágúst frá kl. 10 f. h. til kl. 2 e. h. einöngu til sölu á brauðvörum, mjólk og mjólkurvörum.

5. gr.

Ákvæði samþykktar þessarar ná ekki til sölu lyfja né sjúkraáhalda lyfjaverzlunar í bænum.

6. gr.

Bæjarstjórn getur leyft, að vikið sé frá framangreindum ákvæðum um lokunartíma sölubúða, þegar um er að ræða: